

大清會典

卷之二十五

戶部

賦役二

考成

大清會典卷之二十五 戶部九



賦役二

考成

課吏之典。黜幽陟明。非專為會計也。三民中

國家命戶部綜理錢穀。爰立考成之法。蓋綦重矣。

奏銷則有定限。完欠則有勸懲。曰初叅。曰年限。

曰交盤。曰開復。科條嚴密。備載于後。責不辭。

凡奏銷。定限。順治九年覆准。直省銷算錢糧。逐

款備造支解完欠清冊。戶部據以查核。近畿各

省。限二月終。遠省。限三月終。到部。逾限者叅處

○十年覆准。各省銷算。歸布政司。直屬銷算。歸各府。每歲終彙造清冊。赴部投遞。○十一年題准。州縣錢糧。按年分項。備造清冊。送府銷算。府冊送司銷算。司冊送部銷算。各有專責。不得派費累民。違者督撫參奏。○十二年題准。奏銷本年錢糧報部定限。直隸山東山西河南陝西限次年二月終。江南浙江江西湖廣限三月中。福建四川廣東廣西限三月終。○又覆准。州縣銷算錢糧。冊案不清。布政司提究經承。不得擅提印官離任曠職。○十六年覆准。廣東廣西改限

五月終奏銷。○十八年題准。貴州錢糧。限六月中。造冊奏報。○康熙三年題准。雲南奏銷錢糧。限六月中報部。○六年覆准。直省錢糧。戶部不必另設磨勘司。責成各司。于奏銷時詳加磨勘。按年送京畿道刷卷。其直省奏銷。量地遠近。原有定限。仍令隨到隨送隨刷。直隸因無布政司。州縣文書徑自達部。嗣後事關錢糧。令巡撫咨題。州縣不得直申。○七年題准。一應錢糧。皆係地丁所出。凡催提徵解。俱稱地丁錢糧。除鹽課茶稅。關稅。蘆課。并漕糧。白糧。各倉米石等項考

成。既與地丁錢糧有異。仍令照舊。其土司進貢物料。折色本色物料。襍稅。當稅。稅契。牙稅。牛驢稅。贓罰折贖等項。非地丁所出。亦仍舊各款開列。至文武官員師生空缺。及扣罰俸銀。隨時追取。學租支給餘剩。解部。亦應照舊開造。其餘一應地丁錢糧。年終奏銷時。該撫將通省錢糧若干。起運若干。存留若干。撥過兵餉若干。辦買顏料若干。餘剩若干。詳明造冊具報。不必開列款項。以便稽查。○又覆准。直省文冊註語。有奏銷錢糧。有司考成。申嚴兵餉考成三案。俱係查核

地丁錢糧。以後止用奏銷某年錢糧查叅未完各官事註語。○又議准。有司奏銷遲延舛錯。以致違限者。督撫題報時。將有司叅處。督撫免議。如督撫不行催趲。或屬員申報。不卽具題者。經部察出題叅。並將督撫處分。○十年題准。督撫甫到新任。或署事接管。或公務出境。或文武科場。准與展限。以到任接任回署日扣算。○又題准。直省奏銷。改限直隸山東山西河南陝西于四月終。江南浙江江西湖廣于五月中。福建四川廣東廣西雲南貴州于六月中。到部。○又覆

准。順永保河四府屬。有缺額多者。地丁錢糧。盡數留用。仍有不敷。于附近州縣撥協。至地畝圈退無常。錢糧增減不一。令守道查明撥補。統于年終造冊奏銷。○十一年題准。奏銷冊。直省守道布政司總數。府州縣細數。俱載舊管新收。開除實在四柱。以憑稽核。○又題准。州縣奏銷冊。開解支之數。由單列徵收之款。每有冊單總撒數目不同。嗣後奏銷冊。務與由單相符。至實徵原額起存完欠。司總務與州縣細數相符。○十二年覆准。雲南地丁商稅等銀。令布政司經營。

收支。其稅糧及曲靖馬廠。叛產租穀。罪囚口糧。令糧儲道經管收支。歲終彙造民屯地丁冊內。奏銷。○二十二年題准。凡應行完結錢糧。故留疑竇。並不分晰。混行造冊題報。以致款項不符者。府州縣衛所官。降一級調用。轉報司道都司。罰俸一年。督撫罰俸六個月。督撫查叅者。司道以下官議處。至經管錢糧各官。將徵收起存原額。并支銷總撒數目。詳加核算明白。該督撫等覆加磨算。如造冊內數目舛錯遺漏者。府州縣衛所官。罰俸一年。督撫及轉報司道都司。各罰

俸六個月如督撫司道都司造冊舛錯遺漏者亦罰俸六個月。又奏銷錢糧冊結必須隨案送部。若司道都司府州縣衛所官將冊結遲延不送。違限一月者。罰俸六個月。違限二月者。罰俸九個月。違限三月者。罰俸一年。違限四五月者。降一級留任。違限六月以上者。降二級調用。違限一年以上者。革職。如已申送而督撫不卽送部。違限五月以下者。照司道等官例處分。違限六月以上者。降二級留任。違限一年以上者。降三級調用。○二十五年議准。各省不作分數襍

項錢糧。通歸地丁案內奏銷。湖廣四川山西上年餘剩銀兩。停其造入下年奏銷冊內。甘肅寧夏各道府地丁錢糧。總歸一疏奏銷。陝西官役俸食等項。并造入地丁冊內奏銷。官役贓罰侵欺那移侵盜變價贖緩逆本等項。交刑部行追。年終彙送戶部貯庫。凡完欠勸懲。順治三年覆准。司道府州縣官徵收錢糧完欠分數。歲終報部查核。完十分者爲上等。完六分以上者爲中等。完五分以下者爲下等。按分數定其殿最。○七年題准。督撫司督

催錢糧。向有歲叅季叅截叅摘叅之例。但有司藉口荒欠。徵收不力。今令守巡兩道該府與推官。併力督催。歲終以完欠分數。造冊送司。轉報督撫。以完欠多寡。定各官殿最。并核道府廳之勤惰。○十年覆准。經徵完欠。宜分任事久暫。凡開報經管官職名。必註明到任離任月日。不得前後那移。○十二年覆准。帶徵錢糧各官。次年五月全完者優陞。○十六年議准。衛所歸併附近州縣。編入民籍。每歲分晰地丁原額荒亡實徵。并完欠數目。造入州縣冊尾。與民糧總核考。

成○十八年覆准。帶徵節年錢糧大小各官。依限二年內全完者。不論俸滿卽陞。若經徵錢糧不完者。不准。○康熙二年覆准。除漕糧白糧各倉米石。鹽課蘆課顏料等項。不併入地丁錢糧外。其各部寺一應起解錢糧。總作十分考成。○又題准。官員催徵各項錢糧。本年內全完者。紀錄一次。接連三年全完者。加一級。○又題准。起解錢糧。撥本省兵餉。無腳價之費。照起解例。附入正項內。總作十分考成。如撥遠省兵餉。及解京者。仍給腳價。不入考成。○四年題准。經徵督

催文武大小各官。除一年內二三官徵完。并署任不久者。不議叙外。凡經徵州縣官。一應起運錢糧。五萬兩以下。一年內全完者。紀錄一次。五萬兩以上。十萬兩以下。一年內全完者。紀錄二次。十萬兩以上。一年內全完者。紀錄三次。督催知府直隸知州。及經管錢糧道員。十萬兩以下。一年內全完者。紀錄一次。十萬兩以上。二十萬兩以下。一年內全完者。紀錄二次。二十萬兩以上。一年內全完者。紀錄三次。督催巡撫。布政司。五十萬兩以下。一年內全完者。紀錄一次。五十

萬兩以上。一百萬兩以下。一年內全完者。紀錄二次。一百萬兩以上。一年內全完者。加職一級。經徵守備千總。一應起運錢糧。一千兩以下。一年內全完者。紀錄一次。一千兩以上。三千兩以下。一年內全完者。紀錄二次。三千兩以上。一萬兩以下。一年內全完者。紀錄三次。督催都司。五千兩以下。一萬兩以上。一萬兩以下。一年內全完者。紀錄一次。五千元以上。一萬元以下。一年內全完者。紀錄二次。一萬元以上。一萬元以下。一年內全完者。紀錄三次。各官如止完地丁糧銀。而本色顏料。及起運襍項未完者。不准議叙。或將



未完錢糧。捏報全完。或一年內二三官徵完。捏報一官徵完者。州縣衛所官草職。司道府都司各降二級調用。巡撫降一級調用。如州縣等官申報未完。司道府都司作完申報者。司道府都司草職。州縣等官免議。如司道府都司申報未完。巡撫作完題報者。巡撫草職。司道府等官免議。○又覆准。同知內有專責督催糧米全完。照知府例議叙。每糧一石。準銀一兩計算。○五年覆准。帶徵節年錢糧。原限二年全完。州縣官帶徵一萬兩以上全完者。紀錄一次。二萬兩以上

全完者。不論俸滿卽陞。道府直隸知州帶徵二萬兩以上全完者。紀錄一次。四萬兩以上全完者。紀錄二次。六萬兩以上全完者。不論俸滿卽陞。撫司帶徵十萬兩以上全完者。紀錄一次。二十萬兩以上全完者。紀錄二次。三十萬兩以上全完者。不論俸滿卽陞。各官如經徵錢糧不完者。仍不准議叙。○六年題准。通判內有督催衛所錢糧全完者。照知府例議叙。經歷內有經徵衛所錢糧全完者。照州縣例議叙。○九年覆准。州縣官經徵錢糧。須察其有無敲朴過嚴。以致

流亡。督撫于歲終奏銷冊。註明有無累民字樣。取具不扶其結報部。方准議叙。○又題准。停止督撫錢糧全完加級紀錄之例。○十年覆准。署印官任事日久。一年內經徵錢糧全完者。亦照例議叙。○二十三年覆准。經徵帶徵錢糧。該督撫題叅違限月日。未完分數。各官職名。戶部停其具題。卽咨吏兵二部議奏。○又題准。諭錢糧處分經徵等官事宜。令十五日彙題一次。凡地丁錢糧初叅。順治七年題准。凡催徵錢糧州縣官欠一二分者。罰俸三個月。欠三四分者。

降俸二級。欠五六分者。降職二級。俱戴罪督催。停其陞轉。完日開復。欠七八分者。降二級。欠九分者。降三級。俱調用。欠十分者。革職。知府直隸知州。以合屬之完欠爲完欠。欠三四分者。罰俸三個月。欠五六分者。任俸。欠七八分者。降職一級。欠九十分者。降職二級。俱戴罪督催。布政司以通省之完欠爲完欠。欠五六分者。罰俸六個月。欠七八分者。任俸。欠九十分者。降俸一級。戴罪督催。至署印接管官。未完錢糧。查月日多者。罰俸一年。少者罰俸六個月。○十年題准。州縣

官欠一二分者。任俸。欠三分者。降俸一級。欠四分者。降俸二級。欠五分者。降職一級。欠六分者。降職二級。俱戴罪督催。欠七分者。降職一級。欠八分者。降職二級。俱調用。欠九分十分者。革職。○十二年題准。布政司知府直隸知州。通計督催所屬錢糧。欠一分者。罰俸六個月。照常陞轉。欠二分以下者。照州縣一體叅罰。○又覆准。州縣官欠一分者。降俸一級。欠二分者。降俸二級。欠三分者。降職一級。欠四分者。降職二級。欠五分者。降職三級。俱戴罪督催。欠六分者。降職一

級。欠七分者。降職二級。俱調用。欠八分以上者。俱革職。司府直隸知州。亦照此例叅罰。巡撫有兼理糧餉之責。欠一分者。罰俸三個月。欠二分者。罰俸六個月。欠三分者。任俸。欠四分者。降俸一級。欠五分者。降俸二級。欠六分以上者。降職二級。俱戴罪督催。○十三年題准。署印州縣衛所官。除未及一月者免議外。署印一月以外。欠一二分者。罰俸三個月。欠三四分者。罰俸六個月。欠五六分者。罰俸九個月。欠七八分者。罰俸一年。欠九十分者。降一級調用。凡前後掌印署

印接管官。照任事月日。每官各作十分計算。○又覆准。總督有督理糧餉之責。未完二分以上。罰俸一個月。三分以上。罰俸兩個月。四分以上。罰俸三個月。五分以上。罰俸四個月。六分以上。罰俸五個月。俱照常陞轉。○十四年覆准。更定考成法。經徽州縣衛所官。欠一分者。罰俸六個月。欠二分者。罰俸一年。欠三分者。降俸一級。欠四分者。降俸二級。欠五分者。降職一級。欠六分者。降職二級。俱停陞督催。欠七分者。降職一級。欠八分者。降職二級。俱調用。欠九分十分者。革

職。布政司知府直隸知州都司等官。欠一分者。罰俸三個月。欠二分者。罰俸六個月。俱照常陞轉。欠三分者。罰俸一年。欠四分者。降俸一級。欠五分者。降俸二級。欠六分者。降職一級。欠七分者。降職二級。俱停陞督催。欠八分者。降職一級。欠九分者。降職二級。俱調用。欠十分者。革職。司府直隸州署印接管官。照十三年署印州縣官例。巡撫欠一二分者。罰俸三個月。欠三分者。罰俸六個月。俱照常陞轉。欠四分者。罰俸一年。欠五分者。降俸一級。欠六分者。降俸二級。欠七分

者降職一級。欠八分以上者降職二級。俱停陞督催。○又題准州縣衛所官。欠七分者降職三級。欠八分者降職四級。俱停陞督催。司府直隸州都司。欠八分者降職三級。欠九分者降職四級。俱停陞督催。餘仍照舊例行。○十七年覆准帶徵錢糧。欠九分十分者革職。仍戴罪督催。○康熙二年題准地丁錢糧。經徵州縣官。欠不及一分者。停其陞轉。罰俸一年。欠一分者降職一級。欠二分者降職二級。欠三分者降職三級。欠四分者降職四級。俱戴罪徵收。欠五分以上者

革職。布政使。經管錢糧道員。

道員向有考成。後經議停。至是年始

增知府直隸知州。欠不及一分者。停其陞轉。罰

俸半年。欠一分者。罰俸一年。欠二分者。降職一級。欠三分者。降職二級。欠四分者。降職三級。欠五分者。降職四級。俱戴罪督催。欠六分以上者。革職。巡撫。欠不及一分者。停其陞轉。罰俸三個月。欠一分者。罰俸一年。欠二分者。降俸二級。欠三分者。降職一級。欠四分者。降職二級。欠五分者。降職三級。欠六分者。降職四級。俱戴罪督催。欠七分以上者。革職。其見年內。接管經徵督催

官。或一官。或數官。經管。不必各作十分。總以本年額賦。作十分計算。照經徵督催官例處分。凡署印官。欠不及一分者。罰俸三個月。欠一分者。罰俸六個月。欠二分者。罰俸九個月。欠三分者。罰俸一年。欠四五分者。降一級調用。欠六七分者。降二級調用。欠八分以上者。革職。署印不及一月者。免議。其衛所錢糧。總作十分考成。經徵守備千總。督催屯道都司。俱照經徵州縣督催司府例議處。○七年題准。各官錢糧處分。例不抵銷。巡撫加級紀錄。准其抵銷。

凡地丁錢糧限滿續叅。順治十八年。令經管錢糧大小各官。凡有拖欠叅罰。俱停陞轉。俟完解無欠。方許開復。○又覆准。州縣衛所經徵接徵官。限一年內全完。布政使管錢糧道員知府直隸知州都司。限一年半全完。原欠七分以上。限內不完者。俱革職。原欠五六分。限內不完者。降五級調用。原欠三四分。限內不完者。降四級調用。原欠一二分。限內不完者。降三級調用。巡撫限二年內全完。原欠九分十分。限內不完者。革職。原欠七八分。限內不完者。降五級調用。原欠

五六分。限內不完者。降四級調用。原欠三四分。限內不完者。降三級調用。原欠二分。限內不完者。降二級調用。其節年拖欠錢糧。帶徵大小各官。限二年內全完。如限內不完者。遵新例。照各職任處分。○康熙二年題准。凡叅後催徵地丁錢糧。限年內不完。不復作分數。照原叅分數處分。州縣官原欠不及一分。一年限內不完者。降一級調用。原欠一分。限內不完者。降三級調用。原欠二分。限內不完者。降四級調用。原欠三分。限內不完者。降五級調用。原欠四分以上。限

內不完者。革職。撫司道府直隸州。仍照舊例議處。凡限年錢糧。接徵接催之官。俱接前任官總作十分題叅。至巡撫等官催徵限滿逾期。將自欠。暨屬員分數。不行題叅。察出照原叅分數。加等治罪。又各官如遇陞轉。本任新年未經銷算錢糧。扣定分內月日分數。全完後。方許赴新任。若本任內未完。卽赴新任者。照不職例革職。巡撫將屬員有任內未完錢糧。卽准赴新任者。降二級調用。○四年題准。凡錢糧未完各官。如遇恩赦。該撫確查

赦前月日扣除。以

赦後月日算起。限年追完。至限滿續參時。註明收數。

赦前

赦後分數具題。如年限內。將原參

赦前所欠分數。已經全完。止照全完

赦後未完分數議處。如年限內。將原參

赦前所欠分數。未經全完。仍合

赦前

赦後分數一併議處。如原參分數俱在

赦前年限內。未經全完。仍照初參分數。以初次例議

處○六年題准。限滿未完各官。限內又遇有

赦者。扣除

赦前月日。止以

赦後計算年限查參○又題准。直隸知州。督催各縣

錢糧。參後未完。照一年半例議處。經徵本州錢

糧。參後未完。仍照一年例議處○八年題准。接

徵接催官。蒞任未久者。不必照前官原限分數

處分。俱以到任日為始。限半年徵完。如限內不

完。照初次分數議處○九年覆准。限年錢糧。接

徵接催。俱不必另作分數。止照前官所遺分數



內續完幾分。卽與扣算。若本年係一官經管。而年限內有二三官接管者。止于前一官未完分數內。按接管月日分算。若本年係二三官經管。而年限內止一官接管者。彙算二三官未完分數內。除續完分數題叅。○十二年覆准。巡撫布政使。年限錢糧原欠不及一分者。初次限內不完。降一級。二次限內不完。降二級。俱戴罪督催。三次限滿不完。降三級。調用。原欠一分以上。俱照州縣例處分。其督催都司。限一年半衛所官。限一年。初次限內未完。不及一分。各罰俸一年。

停其陞轉。二次限內不完。各降一級。戴罪督催。三次限內不完。各降一級。調用。○十三年題准。州縣官原欠不及一分。初限內不完。降一級。留任。再限一年。催徵。如又不完。降一級。調用。○十四年題准。年限錢糧未完。道府直隸州官。同係督催。應與布政司一體處分。至接徵接催官。半年期限太迫。將接徵州縣衛所官。亦限一年。接催司道府直隸州都司。限一年半。接催巡撫。限二年。如限滿不完。仍照初叅例處分。○十七年題准。署印官。一年外。徵收錢糧未完。亦照州縣

官例處分官。一平伏。逾外。餘。未。完。亦。照。例。處。分。  
凡離任處分。順治七年題准。催徵未完各官。除革職已故免議外。其陞遷者。于新任內。丁憂者。于起復日。降調者。于補官日。應降調者。照例起送降調。應任俸降俸降級戴罪督催者。俱罰俸一年。○康熙二年題准。官員催徵錢糧于未催完之先。被別案降調離任者。俱罰俸一年。○七年題准。巡撫陞任。不必照舊屬各官。每案降級。照離任官例。每案罰俸一年。○十五年議准。如核凡不作分數。襍項錢糧。康熙十五年議准。如核

明未完者。降俸二級。戴罪督催。完日開復。如年限內不完者。罰俸一年。仍令督催。  
凡侵那處分。順治九年題准。錢糧徵解支放。各有款項。若爲公務移緩就急。謂之那移。假公濟私。謂之侵欺。軍興供用。不得已而措用。謂之透支。借端開銷。謂之冒破。令撫按清查追抵。○十二年題准。凡錢糧那移。查係真正緊急。萬難遲緩者。准其開銷。○十六年覆准。直省錢糧。每歲終。分造實在民欠爲一冊。官役侵欺爲一冊。○康熙六年題准。有司將已完錢糧肥已。或那用

假稱民欠。恣行私派者。革職追比。司道府官失察。降五級調用。督撫徇庇。降四級調用。○又覆准。經徵文武官員。初叅限滿未完。降調革職者。奉旨。即行離任。另委代署。若本官侵欺。係旗下人。交都統副都統。係民。交督撫。贓重罪至死者。限一年追完。流罪以下所侵錢糧。限六個月追完。如限內不完。家產變價入官。○九年覆准。胥役經收管解。令連名互結。如有侵欺。互結者同賠。若經管官不行取結者。亦令賠補。○又題准。司道

府州縣等官。將正襍錢糧。擅自那用者。革職。如緊急軍需。不報督撫。私自那用者。降一級留任。俟賠完開復。其存留錢糧。因公那用者。免議。○又題准。承追侵那錢糧。家產盡絕。遇赦免追。戶部即行題結。妻子免交刑部。○十年題准。

承追侵那錢糧。初次限四個月追完。逾限不完。降俸二級。戴罪督催。再限一年全完。如仍不完。罰俸一年。○十一年覆准。州縣侵那錢糧。司道府官。本年及次年查出。免議。如遲至三四年。始行查出。仍照失察例議處。○十二年題准。州縣

衛所官乾沒錢糧者。照貪賊例革職提問。追賊。衙役侵欺。提審追賊。該管官。照縱役貪賊例革職。如州縣官有乾沒侵欺等情。上司預先不行查出。或據詳代爲開銷者。司道府都司各降一級調用。督撫罰俸一年。若前任州縣等官乾沒。後任官不行查出。或代爲開銷者。各降一級調用。前任官那移。後任官不行查出者。罰俸一年。布政司。都司。指勒州縣衛所官。改那錢糧者。照那用正項例處分。督撫不行題參。照徇隱例議處。其州縣侵那。司道府官察出者。無論年分遠

近。俱免議。○又題准。州縣官將已徵錢糧。作爲民欠。恣意那用者。革職拿問。司道府官朦隱不報者。革職。如已申報。而督撫不行題參者。降五級調用。○又題准。官員承追侵那錢糧。初限展至一年。○十五年題准。官員承追侵那錢糧。如家產果盡。不據實詳請豁免。以致各犯父子夫妻分離者。罰俸一年。巡撫罰俸六個月。○又題准。赦前侵欺錢糧各官。不交吏部議處者。司官罰俸三個月。堂官罰俸兩個月。○又題准。凡侵欺錢糧

人犯。州縣官捏報逃亡。及並不起解者。降一級  
調用。該管上司。罰俸一年。起解遲悞者。州縣官  
罰俸一年。該管上司。罰俸六個月。○又題准。州  
縣官將衙役侵欺捏報民欠。知府遽爲轉報者。  
罰俸六個月。○又題准。文武各官。因公私借用  
庫銀。後仍抵還。未入已者。均降一級調用。○十  
六年題准。侵盜錢糧。應發解人犯。未經部題入  
官之前全完。或已題未發解之先全完者。並免  
入官。○十七年題准。各省進勦時。有軍需刻不  
容緩。動用錢糧。督撫司道等官。一面咨題。一面

動用。若不候咨題。擅自動用者。各降五級調用。  
不准開銷。令其賠還。若司道並未申詳。督撫亦  
未咨題。擅自動用。徑行請銷者。督撫降二級留  
任。司道降五級調用。若司道申詳。督撫不行咨  
題。擅令動用者。司道免議。督撫降五級調用。責  
令賠還。○十八年題准。凡該管上司。逼勒下屬  
那移庫銀。本官自首。審實免議。上司照貪官例  
治罪。如逼勒至死者。許家屬赴上司具告。上司  
不行准理。許赴通政司鼓廳具告。審實。將逼勒  
者抵罪。不行准理者。革職。○又議准。州縣官將

已徵錢糧。作為民欠。或那用。謊稱民欠者。革職  
提問。司道府官。朦隱不報者。亦革職提問。督撫  
狗縱不叅者。革職。  
凡交盤。順治十三年題准。官員交代。務清查錢  
糧。交盤明白。取具其結。方准離任。違者。不論陞  
任。去任。題叅究追。○十四年覆准。前官交盤不  
清。後官朦混。聽其去任。卽令接管官。與原任官  
同賠。○十五年題准。前任官未完錢糧。果係民  
欠。令接管官催徵。不得推諉。若前官侵欠。後官  
不能清查。互相朦蔽者。一體治罪。○十七年覆

准。廳官署州縣印。攫取錢糧。勒令屬官交代。上  
司狗庇不舉者。一體治罪。○十八年覆准。州縣  
官有革職病故者。選委官員署印。若丁憂陞任。  
及註誤者。俱暫留任。俟新官交代。如本任內錢  
糧全完。不候交代。另行委署。○康熙六年覆准。  
州縣衛所錢糧。以欠作完。督撫司府。扶同捏報。  
許接管官逐項清查。如起解無批。存留無銀。交  
代時卽具文直達部科。以憑題叅。○又官不  
諭。凡州縣衛所。欠糧。降革各官。若令候代。恐復派民  
以後留任候代。全完開復之例。永行停止。○十二

八年覆准前任官。有侵那拖欠者。署印新任官交  
備代時。卽通報督撫上司題叅。如狗隱不報。交代  
後察出者。罪坐接管官。如已通報。而上官不詳  
報題叅。狗庇舊官。逼勒受代者。許新任官據實  
報部。逼勒上官以狗庇議處。本官赴部另補。○  
十四年題准。布政司新舊交代。務于一月內。造  
管收除在清冊題報。  
凡開復。順治十四年。  
諭。錢糧考成各官。近來叅處降調紛紜。新舊交代。反  
悞催徵。以後因錢糧議降調者。俱令帶降在任。追

大徵完日開復。該督撫每季彙題。○十八年覆准。錢  
糧議處官員。於未離任前。催徵全完。准與開復。  
至後任官代徵完者。不准。○康熙六年題准。有  
司叅後續完錢糧者。該管官一面給批收。一面  
申報督撫題請開復。如該管官遲延不報。借端  
駁查留難者。聽督撫指叅。督撫不卽具題者。一  
併議處。○十二年題准。凡已叅未經離任之官。  
于接任并署印官未到之先。將拖欠在民錢糧  
催徵全完者。仍准開復。○十五年題准。有司叅  
後續完錢糧。該管官不爲詳報。或不應開復之

官申請開復者。俱罰俸一年。巡撫罰俸六個月。或重報開復。及遺漏續完各官職名者。俱罰俸六個月。○又議准。官員未完錢糧。或奉旨蠲免。或叅後續完。該部查明應開復各官職名。具題銷案。移咨吏部。停其議覆。不唱具題。并

申詳督撫。開復。或該管官毀或不辦。皆由河。叅與。餘宗。對。香。該。管。官。一。面。命。批。文。一。面。至。吏。部。官。外。始。宗。考。不。詳。○。東。州。六。年。該。管。官。並。續。完。官。員。外。未。詳。詳。前。新。辦。全。案。詳。與。開。復。大清會典卷之二十五  
○十六年





